

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Aus Karlsruhe's Volksleben

Gutsch, Friedrich

Karlsruhe, 1876

D' Landgraweschnaake

[urn:nbn:de:bsz:31-32885](https://nbn-resolving.org/urn:nbn:de:bsz:31-32885)

D' Landgraweschnaake.



es kommt ball d'r Sommer, des freut uns un-
bändich,
Setz werre mir widder fidel un lewendich;
Im Sturmschritt komme m'r vor aus de Dohle,
Den Winterschloß soll jo d'r Kutuf hole!

Albereits sin-m'r an d' Dwerwelt g'schätze
Un hem an d'r Nachbarschaft unser Vergnüge;
Ob die ah an uns werd Pläfir verschpüre,
Sell könne m'r vor d'r Hand net garantire,
Des werd sich erscht zeige im Sommersemeschter,
Was Gut's kommt aus denne Landgraweneschter.
So viel hem-m'r g'merkt schon am letschte Mittwoch,
Wie mir in corpore sinn aus'm Schüttloch
S' erschtemol ausg'floge un unser Flügel
Un Rüffel prowirt hem im Sonnespiegel,
Daß se in sellere Herreschtraß d'rinn
Net b'onders gut uf uns zu schpreche sinn.

Grad nümmer vom Landgrave-Eiseshpalier
Wohnt gegewärtich en Posamentier,
Sellem Haus hat d'r erschte Ausflug golte.
Der Mann hat zum Fenschter 'rausguckt un g'sholte
Un alles was knig isch, uns g'wünscht uf d'r Hals,
Un d' Landgrave-Nachbarschaft ewefalls:
„Ihr schternsappermentisches Lumpeg'schmeiß,
Ißch dann ah des Unziffer schon uf d'r Reiß?
Euch soll jo 's Gewitter fünftausend Meter
In Bode nein schlage!“ — so flucht e Feder.
Mir henn uns net g'schört un henn's weiter triewe,
Un sinn z'leid an Sellem sei'm Haus siße bliewe,
Un des isch vollg'esse, 's isch meinsey net g'loge,
Mit hundertunfuszich Milliarde Schnooke.
Was brauche dann mir in de feuchte Dohle
Uns ah noch voll Rheumatismus hofe?
Jo, wam-m'r nor mießte, sell thät Ei'm grad fehle,
E' isch so net viel Gut's von do drunte z'verzähle.

Im Winter, do siße m'r fescht wie e Knäul
Uffenander un henn als die grösch't Langeweil
Un friere un hung're un komme vom Fett,
Als wam-m'r sein Lebtag nix gesse hätt.
Wam-mir dann erwache vom Frühlings'schimmer,
So kam-m'r vor Nege net 'raus als, — un sim-m'r
Beienander, so schpikelire m'r halt,
Ob 's Horizontalwasser scheigt odder fallt.
Do solltet'r uns räffonnire als höre,
Wam-m'r in so ere Atmosphäre

Von Ende Oktober bis Anfang April
E bessere Witterung abwaarte will.
Glaawet dann Ihr, mir Eintagsfliege
Hoche do drunte zu unserm Bergniege?
Mir mieße im Sommer uns ploge un schinde,
Leut schteche, Blut sauge, Familie begründe,
Mit Impertinenz un gar manche Finesse
Verdiene des Bissle Mittagesse,
Un thun m'r uns frecher als and're betrage,
So sim-m'r halt Gottsname Landgraweschnaake!

Ihr se Iwer sind meistens an Allen schuld jo
Mit Euerer Uewerwölbungsgebuld do,
Un welle m'r künstlich zum Beschte hoffe,
Daß noch e paar Jährle d'r Landgrawe offe
Soll kleime, un daß d' Uewerwölbungsherre,
Wie seither d'r Fall war, net einich werre,
Un daß insbesondere die Väter d'r Schtadt
Noch lang selle Deffnung net kriege uf d' Latt.
Wann des nord d'r Fall isch, so hennt Ihr zum Dank
Fascht dreiviertel Jahr lang d'r Landgraweg'schtant,
Un daß sich die Nachbarschaft net kann beklage,
Tagtäglich en B'uch von uns Landgraweschnaake.

~~~~~

Wann irgend was g'freut mich hat Zeit meines Lebens  
Sich's, daß jey die Landgraweschnaake vergebens  
Seit Jahre bemüht sinn, die Nachbarschaft z' schinde,  
Dieweil se kein passender Ausgang mehr finde.

Ihr Herrschaft hat leider gar lange Zeit dauert,  
Doch sinn se jeß glücklich im Schüttloch v'rmauert,  
So daß se die Leut, wo am Landgrawe wohne  
Gezwunge sinn mit ihrem V'such zu v'rschone.  
Hernege im Thiergaarte un im Wald drauß  
Thun se davor deshto gräulicher haufe  
Un schteche un ploge die Leut kriminalisch,  
Bis Jedes davon laast, weil kein and're Wahl isch.  
Dafür in d'r Stadt hinn, sin-mir se jeß ledich,  
Obwohl m'r net läugne kann, daß se doch thätich  
Zuweile noch sinn. An de Leut ihrem Frohsinn  
Merkt m'r, daß d' Schnooke in Karlsruh noch do sinn,  
Un selwiche, wann se im Schädel rumschpucke,  
Sinn immer noch besser, wie Käfer un Mucke.

